



Aneks 5 Modula 4 – Primjer za vježbu

Amir i Alen su braća. Obojica su nezaposleni često zajedno izlaze. Ponekad i ne popiju nikakvo piće u kafiću jer nemaju novac, a ponekad popiju piće, zaprijetite konobaru da im ne smije naplatiti i izađu iz lokala. 20.7.2018. godine su izašli u lokalni kafić gdje su se susreli sa Senadom koji im je prvi rođak.

To večer su sva trojica popila mnogo alkoholnog pića. Senad je popio ponajviše i u jednom trenutku je zaspao za stolom. Kad su to primijetili Amir i Alen iz džepa jakne koja je visila na stolici su mu izvukli ključeve od auta. S obzirom da su im trebale cigarete zaustavili su se na parkiralištu ispred Binga. Ispod sjedišta suvozača Amir je napipao pištolj kalibra M22. Uzeo je pištolj i izašao iz auta. Za njim je izašao i Alen. Alen je otišao do obližnje trafike i kupio sebi cigarete.

Na parking u nije vidio ni jednu osobu. Vratio se u auto, i kako Amira još nije bilo nervozno je uključio auto i malo kružio po parking u. Odjednom u auto je utrčao Amir i živčano mu rekao da brzo krenu s parkinga jer je od radnice na kasi pod prijetnjom pištoljem uzeo novac iz blagajne.

Kad su odmakli dovoljno daleko s lica mjesta, Amir je prebrojao novac. Ukrao je ukupno 1500 KM. Bratu je dao 900 KM, a sebi je ostavio 600 KM jer je brat imao djevojku pa mu je trebalo više novca. Par dana kasnije Amir je pronađen na temelju sigurnosnih kamera u tržnom centru i parking u. Na snimci se vidjelo i kako Alen izlazi i vraća se u auto. Kruži autom po parking u i konačno kako Amir izlazi iz auta, ulazi u Bingo i napokon istrčava iz Binga brzo ulazeći u auto nakon čega se auto udaljilo s lica mjesta.

Pri izradi ovog zadatka, koristite primjer optužnice (Aneks 7 Modula 5) i popunite odgovarajućim podacima iz primjera za vježbu (Aneks 4 Modula 5). Sve podatke koje ne mogu izvući iz dostupnih činjenica mogu biti izostavljene. Naglasak je na identificiranju relevantnih činjenica za optužnicu i osoba koje će biti uključene u postupak na osnovu optužnice.

Također trebate koristiti Krivični zakon koji propisuje razbojništvo kao krivično djelo i propisuje kaznu, kako bi na njemu zasnovali optužnicu.

Relevantni član krivičnog zakona je:

Član 289. Razbojništvo

(1) Ko upotrebom sile protiv neke osobe ili prijetnjom da će izravno napasti na njezin život ili organ oduzme tuđu pokretninu s ciljem da njenim prisvajanjem pribavi sebi ili drugom protupravnu imovinsku korist ili da je protupravno prisvoji, kaznit će se kaznom zatvora od jedne do deset godina.



(2) Ako je krivičnim djelom iz stava 1. ovog člana neka osoba s umišljajem teško tjelesno ozlijeđena, ili je to krivično djelo učinjeno u sastavu grupe ljudi, ili ako je upotrebljeno oružje ili opasno oruđe, učinitelj će se kazniti kaznom zatvora najmanje pet godina.

(3) Ako je pri učinjenju krivičnog djela iz stava 1. ovog člana neka osoba s umišljajem usmrćena, učinitelj će se kazniti kaznom zatvora najmanje deset godina ili kaznom dugotrajnog zatvora.